



**Clypevs Theologiæ Thomisticæ**

Continens Tractatus de Beatitudine, de Actibus humanis, eorumque  
Moralitate; de Virtutibus ac Donis, de Vitiis ac Peccatis, & de Legibus,  
nec-non Dissertationem Theologicam de Probabilitate

**Gonet, Jean-Baptiste**

**Parisiis, 1669**

Ordo Hvivs Partis.

---

[urn:nbn:de:hbz:466:1-77355](#)

P R A E F A T I O.

ralem proponas in regulam, ad quam velis omnem vitæ usum exigere, in ea quippe docet rectâ pergere, nec declinare ad dexteram neque ad sinistram: morum disciplinam tradit non relaxatam, neque plus aequo, sed mediocriter restrictam. Cæterum sic eam disces, ut quod optabat Seneca in morum pedagogō, quæ fuerint verba, sint opera: invenies in ea circumspiciens, quò sit tendendum & quā non sine perito aliquo, cui explorata sint ea in quæ tendimus. Neque enim Aquinas noster ille est, cuius (ut loquitur Salvianus) lectionem tantum habemus, vitam non habemus: prius enim in seipso legit quæ postea scripsit; præcepta aliis tradidit, quæ à se tanquam ab exemplari didicit; atque id unum antequam doceret spectavit, quā ratione viveret, ut ostenderet cæteris quā lege vivendum esset. Hoc est (Amice Lector) quod, ut cæteras hujus Ethicæ dotes taceam, eam citra cuiusque injuriam aliis omnibus anteponendam probat; ipsiusque securitatis argumentum vix aliud majus proponi potest, quam quod vitæ præceptoris per omnia sanctissimi regula fuerit. Moralem ergo accipe, & leges; in qua non tam Doctoris Angelici præcepta, quam Angeli exempla videns, non tam disputare, quam vivere docearis.

ORDO HVIVS PARTIS.

**P**O STQVAM D. Thomas in prima parte Summae Theologicæ, Deum ut in se unum & trinum, rerumque omnium creatarum principium, consideravitz, mox illum ut finem ultimum creature rationalis contemplatur, & tractat de mediis ad ejus affectionem conducentibus. Sed quia hæc media duplices sunt generis; quædam enim ex natura rei, alia verò ex beneplacito tantum & institutione Dei, ad beatitudinem sunt necessaria; de primis in secunda parte, de aliis verò (Incarnatione scilicet & Sacramentis) in tertia differit. Cui ordini inhærentes, in hac secunda Clypei Theologicæ Thomistica parte agemus primò de ultimo fine hominis, ejusque beatitudine: deinde de mediis, tam naturalibus quam supernaturalibus, ad ejus affectionem intrinsecè necessariis, scilicet de actibus humanis, tam in esse physico quam in esse moris consideratis: de virtutibus moralibus, quæ sunt ipsorum principia; nec non de virtutibus & peccatis oppositis, cum eadem scientia contrariorum. Demum de gratia, quæ est principium extrinsecum & supernaturale actuum humanorum, & de virtutibus Theologicis, quæ sunt ejus proprietates, ab ea ut rivuli à fonte dimanantes, ex quibus homo ultimum finem & beatitudinem supernaturalem immediatius attingit, in fine hujus secundæ Partis differemus.

